



Bosnia and Herzegovina
Federation of Bosnia and Herzegovina
CANTON SARAJEVO
Ministry for Education

Broj: 11-05/01-34-13755/24
Sarajevo, 21.3.2024. godina

OŠ „Šip“
Deveta osnovna škola Ilidža
OŠ „Podlugovi“

OŠ „Hadžići“
OŠ „Srednje“
OŠ „Safvet-beg Bašagić“

n/r direktora/ice
EMIS odgovornih osoba

PREDMET: Polaganje eksterne mature učenika koji su završili osnovnu školu izvan Kantona Sarajevo – Informacija, dostavlja se

Poštovani,

Ministarstvo za odgoj i obrazovanje Kantona Sarajevo, u skladu sa Zakonom o osnovnom odgoju i obrazovanju („Službene novine Kantona Sarajevo“, br. 23/17, 33/17, 30/19, 34/20 i 33/21) i Pravilnikom o polaganju eksterne mature („Službene novine Kantona Sarajevo“, br. 25/18, 17/19 i 24/19), provodi eksternu maturu u osnovnim školama na području Kantona Sarajevo.

Također, u skladu sa Zakonom o srednjem obrazovanju („Službene novine Kantona Sarajevo“, broj: 23/17, 33/19 i 33/21), učenici državljanji Bosne i Hercegovine koji su završili osnovnu školu u Bosni i Hercegovini, izvan Kantona Sarajevo, upisuju se u srednje škole Kantona Sarajevo pod istim uslovima kao i učenici sa područja Kantona Sarajevo.

S tim u vezi, Ministarstvo za odgoj i obrazovanje Kantona Sarajevo je donijelo odluku kojom određuje upravo Vaše škole kao škole u kojima će učenici koji su završili osnovnu školu izvan Kantona Sarajevo polagati eksternu maturu te dostaviti dokumentaciju za unos podatka u EMIS informacijski sistem za upis u prvi razred srednje škole putem online sistema.

Kriteriji za izbor škola su bili:

- blizina škola gradovima iz kojih prethodnih godina imamo najveći broj upisanih u 1. razred srednje škole u Kantonu Sarajevo,
- broj učenika u školi kako ne bi došlo do velikog opterećenja škole i EMIS odgovornih osoba,
- kvalitet rada EMIS odgovorne osobe i dosadašnja uspješna saradnja sa istima.



Prilikom prijave učenici su dužni dostaviti sljedeću dokumentaciju:

- Izvod iz matične knjige rođenih,
- Svjedodžbu o završenoj osnovnoj školi,
- Uvjerenje o završenom 6., 7. i 8. razredu,
- Dokumenti/Diplome koji dokazuju rezultate postignute na takmičenjima, a u skladu sa Odlukom o kriterijima za prijem učenika u prvi razred srednjih škola Kantona Sarajevo u školskoj 2024/2025. godini.

EMIS odgovorna osoba je dužna da u informacioni sistem EMIS Web izvrši unos podataka učenika izvan Kantona Sarajevo u tranzicijsku školu na slijedeći način:

1. Putem opcije *Prethodne ocjene/Retroaktivni unos ocjena*, odabрати razred i školsku godinu za koju je potrebno upisati prethodne ocjene (npr. 6. razred koji je učenik pohađao u školskoj 2020/2021. godini).
2. Nakon završenog unosa svih ocjena potrebno je odabrati opciju *Spasi*.
3. Unos pohvala/takmičenja se vrši na isti način, za odabrani razred, putem opcije *Pohvale* (polje obavezno jer se takmičenja boduju za online upis u skladu sa Odlukom o kriterijima za prijem učenika u prvi razred srednjih škola Kantona Sarajevo u školskoj 2024/2025. godini).
4. Procedura upisa ocjena se ponavlja za svaki razred pojedinačno.

EMIS odgovorna osoba je dužna kreirati oID učenika izvan Kantona Sarajevo predati učeniku odnosno roditelju/staratelju učenika s obzirom da se učenici putem oID-a prijavljuju na online sistem za upis u 1. razred srednje škole u Kantonu Sarajevo.

Rok za prijavu učenika za polaganje eksterne mature, a koji su završili osnovno obrazovanje van Kantona Sarajevo, je 10. juni 2024. godine.

Ministarstvo za odgoj i obrazovanje Kantona Sarajevo će blagovremeno dostaviti školama Odluku o kriterijima za prijem učenika u prvi razred srednjih škola Kantona Sarajevo u školskoj 2024/2025. godini i objaviti na web stranici Ministarstva.

S poštovanjem,


MINISTRICA
Naida Hota-Muminović

Dostaviti:

- Naslovu
- a/a



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-128
Web: <http://mo.ks.gov.ba>, E-mail: mo@mo.ks.gov.ba

2/2